

ՆԱԽԱԿՆԵՐ ԽՄԲԱԳՐՈՒԹԵԱՆ

21 հոկտ. Փայաջուկ.

I

Մեր «Ընթերցանութեան գործը Ատրպատականում» յօդուածում արած կոչը չը մնաց «ձայն բարբառոյ յանապատի»... Այդ կոչին պատասխանեցին մի քանի տեղերից: Մոսկուայից պ. բժ. Ս. Շահ-Նազարեանը (իր հեղինակութիւններից *) եւ հրատարակութիւններից ուղարկեց Ատրպատականի գրադարանների օգտին 100 օրինակից աւելի գրքեր, Բագուից՝ պ. Կ. Ղազարբէգեանից ստացայ 30 կտոր ընդհանուր ընթերցանութեան գրքեր, եւ Շուշուց՝ պ. Երուսնդ Ղազարբէգեանից՝ 32 կտոր: Այդ գրքերը բաժանուել են բոլոր գրադարաններին:

Ե. ՖՐԱՆԳԵԱՆ

II

Բալխանի, 19 նոյեմբ.

«Վաստակ» ընկերութեան նաւթահանքի ծառայողները յայտնելով իրանց ցաւակցութիւնը վարչութեան անդամ եւ գործերի կառավարիչ Ներսէս Գաւթեանի մահուն առթիւ՝ խոնարհաբար խնդրում են Ձեզ ընդունել 37 ռուբլի, որ հաւաքել են նաւթահանքի ծառայողները՝ ցանկանալով արտայայտել իրանց ջերմ զգացմունքը այն մարդու դազաղի առաջ, որը հինգ-վեց տարի շարունակ եղել է նրանց համար մի բարի հայր բառիս ընդարձակ նշանակութեամբ: Գումարի գործադրութիւնը թողնում ենք Ձեր կատարել հայեցողութեան:

ԲԱՂԴԱՆ ԵԱՐԵԱՆՑ

Պ Ա Տ Ա Ս Խ Ա Ն Ն Ե Ր

ՍԱԼՄԱՍՏ—ՓԱՅԱՋՈՒԿ, Ե. Ֆ.—«Բաֆֆի» գրադարանը նկատի կ'ունենանք նուէրների դէպքում:

ՍՊԱՀԱՆ, Ս. Յ.—Զրոյցը չի տպուկու:

ԷՆՁԵԼԻ, Հայոց դպր. հոգաբ.—Միթէ Էնզէլիի ամբողջ հայ զարուծը չի կարող հոգալ մի բաժանորդագին: Ձրի անկարող ենք ուղարկել. նկատի կ'ունենանք, երբ նուիրատուներ գտնուին:

ԲԱԳՈՒ, Ալ. Աբ.—Ստացանք Ձեր նամակը. կ'աշխատենք իրագործել Ձեր ցանկութիւնը:

*) Ի՞նչ առանձին օգուտ այդ հեղինակութիւններից (կանոններ, ծրագիրներ կային) Ատրպատականի գիւղական գրադարաններին... *Нѣ тебѣ, Боже, что намъ не гоже!*...

Ծ. Խ.

Նոյեմբեր, 1903.